



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

Decretvm XI.

urn:nbn:de:hbz:466:1-14298

DECRETUM IX.

INutilis aut immoderatus tabaci usus, plures etiam Ecclesiasticos haec tenus corruptit, imo vero plerumque cum vicio ebrietatis conjunctus est, vix etiam à scandalo absit. Merito itaque, ut supervacaneum, periculosem & scandalosum, in Clericis vituperamus, ac ante Sacrum absolvē inhibemus, nisi fortè, Medicorum consilio, moderatus usus permittatur.

DECRETUM X.

Pia & fidelis antiquitas non permettebat Clericis, de bonis suis, ab Ecclesia plerumque acquisitis, disponere, donec, indulgentia paulatim observantia, aliud fieri cœptum est. Veruntamen, cum testandi licentia opus fuerit, eum in locum constitutiones executoris, testamentorumque approbationes & executiones introducere sunt. Quare, uti moribus receptum est, nemo Clericorum testamentum condat, executoresve constitutus, nisi de Officialis Nostri licentiā & approbatione, in scriptis, sub sigillo Illustrissimi, obtenta; cui etiam, finita administratione, intra annum, rationes reddant, & se absolvū procularent. Nolumus tamen per hoc præjudicare Capitulo Cathedralis Ecclesiae Nostre, cui approbationes de consuetudine competit. Executores tamen intra annum coram Officiali Nostro doceant, se debite administratiois absolutionem à Capitulo obtinuisse.

DECRETUM XI.

Magna reperitur passim Cleri licentia, aut, quod pejus est, protervia, ut Prælatis suis haud obediant, sed nec illos reverantur, aut debitum eis honorem & obedientiam exhibeant. Nemo itaque sit qui impoterum, vel in minimo, Prælatis suis aut Superioribus quibuscumque sine ratione ac modo contradicat, aut se se opponat; sub pena juris, hac in parte expressa; cum in eo vigor Ecclesiae constat.

DECRETUM XII.

Si quis in posterum Clericorum deprehendatur, concubinam suam recepisse, aut novam superinduxisse, ipso facto, sine illa gratia, beneficii & dignitate suā privatus sit.

DECRETUM XIII.

Non serio satis agitur cura domus Dei; & à paucis admodum Clericis bona conversationis exemplum hucusque datum fuit. Quanto igitur hic inter acatholicos periculosem & magis præcipiti sunt gradū,

tanto magis in vita & moribus, & in omni conversatione, se præbeant virtutum omnium exemplar; uti status, & prima eorum à majoribus facta institutio, toties ab acatholicis exprobrata, exposcit.

DECRETUM XIV.

Circa sacrum Chrisma afferendum die Iovis sancto non mediocrem notavimus defectum. Itaque Pastores territorii hujus mittant viros probos, die Iovis sancto, satis tempestive ante prandium, qui id statim accipiant, & ad suas Parochias deferant. Accipient autem in Sacello, in ambitu Cathedralis Ecclesiae, à Sacerdote, à Nobis ad hoc deputato. Extra territorium nostrum, in partibus Embalandiæ, Decani, Primarius & Secundarius Embalandiæ, Cloppenburghensis & Vechtensis, mittant vascula trina, satis magna, ut pro toto Decanatu sufficiant, & ita quidem, ut, si per annum uno altero in loco defuerint, ipsi de novo suppeditare possint. Proinde singuli Pastores, die Veneris sancto, mittant ad ipsos sua vascula implenda. Curabunt autem dicti Decani, ut per se vel suos Capellanos aut alios Presbyteros hanc distributionem peragant.

DECRETUM XV.

Cum vacet Decanatus Furstenauensis per obitum piae memorie Ioannis Ioannis, Pastoris Batbergensis; in novum ibidem designamus Decanum, Reverendum Patrem Nicolai Schaten, Societatis Iesu, Pastorem Batbergensem.

DECRETUM XVI.

Quandoquidem jam ante à Nobis designati fuerunt, in Iudices causarum Apostolicarum, Dominus Joannes à Leeradt, Cathedralis Ecclesiae Nostra Osnabrugensis Præpositus; Dominus Joannes Wilhelmus à Winckelhausen, ejusdem Ecclesiae Decanus; Dominus Joannes à Bischopinck, Curiæ Nostre Episcopalis Osnabrugensis Officialis, & Canonicus ad sanctum Ioannem; Dominus Rabanus Heisterman, Collegiatæ Ecclesiae ad sanctum Ioannem Decanus; Dominus Bernardus Matthiae à Campo, SS. Theologiarum Doctor; eosdem, pro hac vice, denuo confirmamus.

DECRETUM XVII.

In Censorem librorum, etiam antehac designatum & approbatum, D. Ewaldum Marchium, SS. Theologiarum Licentiatum, denuo approbamus & confirmamus.